

**BOSNA I HERCEGOVINA**  
**FEDERACIJA BOSNE I HERCEGOVINE**  
**Kanton Sarajevo**  
**Javna ustanova „Djeca Sarajeva“**  
**SARAJEVO**

**Broj: 07-01-445/25**  
**Datum: 01.09.2025.god**

Na osnovu člana 69. stav (1) tačka b. te člana 70. stav (1), (2), (4) i (6) Zakona o javnim nabavkama Bosne i Hercegovine (Službeni glasnik BiH, broj 39/14 i 59/22 i 50/24), Rješenju ureda za razmatranje žalbi br: JN2-03-07-1-874-7/25 od 03.07.2025. godine, na preporuku Komisije za javne nabavke broj: 07-01-444-1/25 od 01.09.2025.godine, Odluke o djelimičnom usvajanju žalbe i poništenju postupka broj: 07-01-442/25 od 01.09.2025. godine, direktor Javne ustanove „Djeca Sarajeva“ donosi

**ODLUKU**  
**O PONIŠTENJU POSTUPKA JAVNE NABAVKE**  
**OBRAZOVNE IGRE ( DIDAKTIČKI MATERIJAL)**  
**JU „DJECA SARAJEVA“ SARAJEVO U 2025.GODINI**

**I**

Poništava se postupak javne nabavke Obrazovne igre ( Didaktički materijal) u JU „Djeca Sarajeva“ Sarajevo u 2025.godini, a nakon što je proveden otvoreni postupak za dostavu ponuda javne nabavke za koji je Obavještenje o javnoj nabavci br:702-1-1-47-3-48/25, objavljeno na Portalu javnih nabavki. Nakon što ova odluka bude konačna, objavit će se obavještenje o poništenju u skladu sa odredbama Zakona o javnim nabavkama BiH i podzakonskim aktima. Ugovorni organ će istovremeno uz ovu odluku obavijestiti sve učesnike postupka nabavke o rezultatima analize pristiglih ponuda u ovom postupku nabavke u skladu sa članom 70. Zakona.

**II**

Poništava se postupak u cijelosti u skladu sa odredbama člana 69. stav (2) tačka d) ZJN iz razloga jer niti jedna zaprimljena ponuda nije prihvatljiva

**Obrazloženje**

Postupak javne nabavke pokrenut je Odlukom o pokretanju postupka javne nabavke br. 07-01-196/25 od 07.04.2025.godine.

Obavijest o javnoj nabavci broj: 702-1-1-47-3-48/25 objavljena je na Portalu javnih nabavki dana 07.04.2025.god.

Komisija za javnu nabavku imenovana je Odlukom br: 07-01-200/25 od 08.04.2025.godine.

Na prvobitnu Odluku o izboru ponuđača Aero-exclusiv d.o.o, drugorangirani ponuđač Flex invest d.o.o ulaže žalbu, koju ugovorni organ prosljeđuje Uredu za razmatranje žalbi Mostar, koji po istoj donosi Rješenje br: : JN2-03-07-1-874-7/25 od 03.07.2025. godine. Na osnovu istog,ugovorni organ donosi novi Zapisnik o ocjeni ponuda i novu Odluku o izboru , koja se greškom tehničke prirode dostavlja samo ponuđaču Flex invest d.o.o.. Nakon uočene tehničke greške, Odluka i Zapisnik se naknadno dostavljaju i drugim ponuđačima. Na istu, ponuđač Aero-exclusiv d.o.o ulaže Žalbu, dana 28.08.2025. godine, koju Komisija ugovornog organa djelimično usvaja i predlaže poništenje postupka nabavke obzirom da niti jedna dostavljena ponuda u konačnici nije ispravna. Br:07-01-442/25 od 01.09.2025.god.

Komisija za javnu nabavku dostavila je Zapisnik o ponovnoj ocjeni ponuda br.07-01-444/25 od 01.09.2025. godine koji se smatra izvještajem o radu Komisije i Preporuku o poništenju postupka, br:07-01-444-1/25 od 01.09.2025 godine.

**PODACI O PRISTIGLIM PONUDAMA:**

Naziv / ime ponuđača			
Blagovremene ponude / datum i vrijeme prijema		Neblagovremene ponude / datum i vrijeme prijema	
Flex invest d.o.o 07-01-221/25	25.04.2025.g u 08:32h		
Top Sport d.o.o 07-01-223/25	28.04.2025.g u 08:30h		
Aero-Exclusive d.o.o 07-01-225/25	28.04.2025.g u 10:30h		

Krajnji rok za prijem ponuda bio je: 28.04.2025. godine do 11:50 sati.

**NAZIVI / IMENA PONUĐAČA ČIJE SU PONUDE ODBIJENE I RAZLOZI ZA NJIHOVO ODBIJANJE:**

Broj pod kojim je ponuda zavedena	Naziv / ime ponuđača
07-01-223/25	Top sport d.o.o
<p><b><u>Tehnička i profesionalna sposobnost – član 48-51. Zakona:</u></b></p> <p>b) <u>Uzorke roba u formi:</u></p> <p><u>Fotografije uzorka dostavljene u koloru jasnom rezolucijom, slika formata A4 na fotografiji moraju biti vidljivi svi elementi artikla, ovjereni, čvrsto uvezani i numerisani prema rednom broju naznačenim u Obrazcu za cijenu ponude</u></p> <p style="text-align: center;"><b>Obrazac za cijenu ponude</b></p> <p><b>Stavka br. 24</b></p> <p>- <u>Muzičko drvo sa klikerima –</u>  <i>“Drvo koje služi za razvoj muzičkih sposobnosti, motoričkih vještina kod djece. Sastoji se od jednog drvenog stalka u koje se umeću drveni dijelovi u raznim bojama. Na vrhu drveta je drvena kugla sa rupicama u koje se ubacuje kliker. Visine najmanje 35cm. Materijal: drvo Ne sadrži otrovne supstance”</i>  <b>Ponuđač nije dostavio fotografiju artikla u skladu sa traženim. Na dostavljenom je plastična igračka a ne drvena kako je naznačeno u specifikaciji.</b></p> <p><b>Stavka br.28</b></p> <p>- <u>Pijesak za modeliranje</u>  <i>„Kinetički pijesak; prirodne boje, nalazi se u plastičnoj kantici, najmanje 2 kg. Ponuđač nije dostavio fotografiju artikla u skladu sa traženim. Na dostavljenom je fotografija artikla koji se nalazi u vrećici, a ne u kantici kako je traženo tenderskom dokumentacijom“</i>  <b>Ponuđač nije dostavio fotografiju artikla u skladu sa traženim. Dostavljena je fotografija ponuđenog artikla koji je u plastičnoj vrećici, a ne u kantici kako je traženo.</b></p>	

**Stavka br.45**

- **Zanimanja**

*"Set prikazuje 12 zanimanja i 48 pridruženih kartica predmeta. Cilj igre je upariti zanimanje s predmetom potrebnim za njegovo obavljanje. Materijal: čvrsti karton. Dimenzije: 8x15cm"*

**Dostavljena je fotografija artikla koji nije u skladu sa traženim iz tenderske dokumentacije.**

**Stavka br.50**

- **Podloga za svjetlosnu ploču**

*"Podloga koja je kompatibilna sa svjetlosnom pločom. Dimenzija min. 60x40cm. Materijal: plastika. Ne sadrži otrovne supstance."*

**Ponudač je dostavio fotografiju svjetlosne ploče a nije podloge koja je tražena tenderskom dokumentacijom.**

**Stavka br.51**

- **Velika senzorna kocka za bebe**

*"Mekana i sigurna za bebe, služi za istraživanje taktilne percepcije, koordinacije oko-ruka. Sastoji se jedne spužvaste kocke, jednog omota i pet aktivnosti sa svake strane kocke. Spužva kocke prekrivena uklonjivom platnenom navlakom s patentnim zatvaračem (sigurno otvaranje). Veličina je min 30cm. Materijal oko kocke je moguće skimuti i oprati. Ne sadrži otrovne supstance. Preporučena dob: +12mj"*

**Dostavljena fotografija nije u skladu sa traženim artiklom.**

**U skladu sa navedenim ponuda ponuđača Top sport d.o.o se ocjenjuje kao nepravilna.**

Broj pod kojim je ponuda zavedena	Naziv / ime ponuđača	
07-01-225/25	Aero Exclusive d.o.o	

**Na osnovu Rješenja Ureda za razmatranje žalbi BiH – Podružnica Mostar broj: JN2-03-07-1-874-7/25 od 03.07.2025. godine, a u skladu sa ponovnom analizom priloženih dokaza i dokumentacije, Komisija za javnu nabavku je izvršila dodatnu provjeru ispunjenosti uslova iz tenderske dokumentacije od strane ponuđača Aero-Exclusive d.o.o. Sarajevo, te je utvrđeno da ponuda nije prihvatljiva iz sljedećih razloga:**

**Pozicija 54 – Sto za pijesak i vodu sa poklopcem:**

Tenderskom dokumentacijom je jasno zahtijevano da stol ima minimalni kapacitet od 100 litara te da dimenzije budu najmanje 100x100x20 cm. Komisija je konstatovala da je dostavljeni uzorak ponuđača značajno manji u obje dimenzije i kapacitetu, što predstavlja bitno odstupanje od tehničke specifikacije. Povrijeđene odredbe člana 57. i 65. Zakona o javnim nabavkama BiH.

**Pozicija 18 – Set sportskih rekvizita:**

Umjesto traženih 45 dijelova, koji uključuju raznovrsne obruče i stupice različitih dimenzija, ponudač je dostavio manji broj komponenti i sve su bile iste veličine, čime nije zadovoljen kriterij raznovrsnosti koji je jasno naveden u tehničkoj specifikaciji. Smatra se grubim odstupanjem od zahtjeva naručioca u smislu člana 57. ZJN.

**Pozicija 25 – Taktilna memory igra:**

U tenderskoj dokumentaciji je traženo najmanje 14 različitih tekstura, dok je u ponudi dostavljeno samo 10 različitih parova, čime nije ispunjen minimalni zahtjev za ovu stavku. Ponuda se u ovom dijelu smatra neprihvatljivom.

**Ekonomsko-finansijska sposobnost:**

Umjesto potvrde da ponudač u posljednjih 12 mjeseci nije imao blokiran račun, kako je tenderskom dokumentacijom izričito zahtijevano, dostavljena je potvrda koja ne sadrži relevantan podatak o periodu bez blokade, te se ne može smatrati validnim dokazom.

Povreda člana 47. Zakona o javnim nabavkama BiH.

Shodno navedenom, Komisija je utvrdila da ponuda ponuđača Aero-Exclusive d.o.o. Sarajevo ne ispunjava osnovne zahtjeve iz tenderske dokumentacije, te da se zbog tehničkih nedostataka i neispunjene kvalifikacione sposobnosti smatra neprihvatljivom, u smislu članova 3., 47., 57. i 65. Zakona o javnim nabavkama BiH. Kao takva, ponuda se odbacuje iz daljnjeg postupka.

Broj pod kojim je ponuda zavedena	Naziv / ime ponuđača	
07-01-221/25	Flex invest d.o.o	

**Tehnička i profesionalna sposobnost – član 48-51. Zakona:**

**c) Uzorke roba u formi:**

**Fotografije uzorka dostavljene u koloru jasnom rezolucijom, slika formata A4 na fotografiji moraju biti vidljivi svi elementi artikla, ovjereni, čvrsto uvezani i numerisani prema rednom broju naznačenim u Obrazcu za cijenu ponude**

**Obrazac za cijenu ponude**

1. stavka 26 – “Vozić drveni na šinama. Set se sastoji od minimalno 10 šina /tračnica od kojih se mogu sagraditi 2 različita kruga, vozića koji se sastoji od lokomotive i minimalno 3 vagona koji se mogu povezati magnetnim spojevima i minimalno 1 domaće životinje koja se može ubacivati u vagona i vaditi . Igračka je namijenjena za razvoj fine motorike i mašte. Materijal izrade: drvo i prirodne boje, Dimenzija igračke: minimalno 33,5 x 3 x 8 cm, Preporučena dob: za djecu od 36mjeseci .”

Ponuda ponuđača Flex invest d.o.o. ne sadrži „minimalno 3 vagona“ i „minimalno 1 domaću životinju“, kako je propisano tenderskom dokumentacijom.

Detaljnim uvidom u ponudu ponuđača utvrđeno da navedeni elementi nedostaju, te se smatra da ova stavka nije u skladu sa traženim.

2. Stavka 36 – Muzički set 5/1

“Muzički set 5/1 - sastavljen od 5 drvenih instrumenata . Sastoji se od dvije kastanjete, tambure sa činelama, flaute i metalnog ksilofona sa 8 tonova i dvije drvene udaraljke”

Ponuda ponuđača Flex invest d.o.o. sadrži samo jednu udaraljku, dok je tenderskom dokumentacijom traženo da set sadrži dvije drvene udaraljke. Konstatuje se da priložena fotografija nije u skladu sa traženim.

3. stavka 56 – Dječiji kuharski set

“Dječiji kuharski set za upotrebu u dječijoj kuhinji, - Pasta set 58/1 Sadrži sve što je potrebno za kuhanje različitih jela od tjestenine , sve sastojke za spremanje tjestenine (3 vrste testenina od feldspata, zajedno sa paradajzom, gljivama, bosiljkom i sirom) i priborom (lonac, rende, cjedilo, sito i tanjir)

U ponudi ponuđača Flex invest d.o.o. nedostaje rende, koje je eksplicitno navedeno u opisu traženog artikla. Detaljnim uvidom u ponudu, konstatuje se da rende zaista nije ponuđeno, te da fotografija nije u skladu sa traženim.

U skladu sa navedenim i ponuda ponuđača Flex invest d.o.o se ocjenjuje kao nepravilna.

U skladu sa gore opisanim činjeničnim stanjem, odgovorno lice ugovornog organa je donijelo odluku kao u dispozitivu.

**POUKA O PRAVNOM LIJEKU.** Protiv ove Odluke može se izjaviti žalba, najkasnije u roku od 10 (deset) dana od dana prijema iste

Dostaviti:

- ponuđači -3x
- Komisija za javne nabavke
- a/a



Direktorica

Ida Bekrić

